

REFERAT MAA - Meeqqanut Atuarfeqarnermullu Ataatsimiititaq d. 07-09-2022

Mødedato Onsdag d. 07. september 2022 kl. 18:00

Mødested Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
2022-mi Kommuneqarfik Sermersuumi Health Behaviour in School-aged Children (HBSC)-p inerr	6
Atuartut angerlarsimaffiannut innersuussinermut ataatsimiititamik pilersitsineq.....	9
Tunumi nunaqarfinni angerlarsimaffimmi paarsisartoqarnermi neqeroorummi allannguineramik ilisi	12
Piffissaq ilaannaanik atuinermut pilersaarut.....	15
Tapiissuteqartarnermut malittarisassanut nutaanut siunnersuut.....	18
Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq.....	22
Inuusaq atorlugu suliniut - kinguaassiuutitigut peqqissuunissaq.....	26
Oqaluuserisassanut tapiliussaq: Ingerlatsiviup 2023-mut sanaartugassatut missingersuutinut kissaat:	31
Taasariaqartut allat.....	35
Imaqarniliap akuerineqarnera.....	36

Punkt .: Saqqaa

Ilaasortat:

Juaaka Lyberth (IA), siulittaasoq
Poul Petersen (D), siulittaasup tullia
Mia Skifte Lynge (IA)
Finn Karlsen (N)
Dorthe-Marie Mogensen-Fontain (S)

Beslutning

Ataatsimeeqataasut:

Juaaka Lyberth (IA), siulittaasoq
Poul Petersen (D), siulittaasup tullia
Mia Skifte Lynge (IA)
Finn Karlsen (N)

Oqarasuaatikkut peqataasoq:

Dorthe-Marie Mogensen-Fontain (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput, imatut oqaaseqaatitalerlugu:

Oqaluuserisassatut tapiliussaq (8) siulliunneqassasoq.

Punkt .: Nalunaarutit

Siulittaasumiit:

Ingerlatsivimmiit:

Punkt 1: 2022-mi Kommuneqarfik Sermersuumi Health Behaviour in School-aged Children (HBSC)-p inerneru pillugit ilisimatitsissut

Beslutning

Ilisimatitsissut tusaatissatut tiguneqarpoq, imatut oqaaseqaatitalerlugu:

Atuartut 46 %-ii pimmatigitissimallutik paasissutissiisimasut, atuartut 22%-ii ulluni 5-7-it kingullerni ullormut minnerpaamik 60 minutsini timiminnik aalatitsisarlutik paasissutissiisimasut ikippallaarneri aammalu 9.-10. klassini atuartut 31%-ii pujortartarlutik akisimasut amerlavallaarneri iliuuseqarfigineqartariaqarput.

Bilag

Health Behaviour in School-aged Children (HBSC) 2022. Kommuneqarfik Sermersooq. Kommune pillugu nalunaarusiaq



2022-mi Kommuneqarfik Sermersuumi Health Behaviour in School-aged Children (HBSC)-p inernerri pillugit ilisimatitsissut

Ilisimatitsissut

SagsID: EMN-2022-06832

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- HBSC-mik nalunaarusiap inernerri pillugit ilisimatitsissut tusaatissatut tiguneqassasoq

Suliassamik saqqummiussineq

Health Behaviour in School-aged Children (HBSC) ilisimatusarluni suliniuteqarneruvoq misissuinerutigisoq, ukiut sisamakkaarlugit nunani 50-init amerlanerusuni Europamiittuni Amerikamilu avannarlermiittuni, matumani Kalaallit Nunaat ilanngullugu ingerlanneqartartoq. HBSC-mik misissuinerup atuarfimmi atuartut piffissap ingerlanerani peqqissusaannik atugarissaassusaannik peqqinnartumillu pissusilersuutaannik malinnaanermut peqataanissaq siunertaraa, tamannalu tunuliaqutaralugu atuarfimmi atuartunut suliniutinik peqqissutsimik siuarsaanermut suussusersiniaanermut siuarsaanermullu atorneqarsinnaassalluni. Misissuinermi sammisat pingaernerit tallimat atuartut atuarfimmi atugarissaarnerinut, peqqissusiinut, sunngiffimmi atugarissaarnerinut inooqataanermilu attaveqaataannut tunngasut qitiutinneqarput. 2022-mi misissuinermi, Kommuneqarfik Sermersuumi meeqqat atuarfiini 5. - 10. klassini atuartut 929-t peqataasimapput.

Ataatsimut isigalugu misissuinerup kingulliup ilaatigut Kommuneqarfik Sermersuumi meeqqat atuarfiini 5. - 10. klassini atuartut 76%-iisa atuartuunertik "pitsaasumik" imaluunniit "pitsaasorujussuarmik" nuannarigaat takutippaa. Taamatuttaaq kommunimi atuartut peqataasut 73%-iisa atuarfimmi atuatiminnik peqateqarnertik nuannaralugu paasissutissiissutigaa. 81%-it nammineq peqqissusertik pitsaasuusoq atuartullu 78%-iisa atugarissaarlutik nalilerpaat.

Akerlianilli nalunaarusiap aamma, ingerlatsivimmit, atuarfinit, sunngiffimmi neqeroorutinit angajoqqaanillu iluaqutaasumik iliuuseqarfigineqarsinnaasunik suliassaqarfeqartoq tikkuarppaa. Assersuutigalugu kommunimi atuartut 46%-iisa qaammatini kingullerni pimmatigitissimallutik paasissutissiissutigaa. Atuartut peqataasut 22%-iisa ulluni 5-7-it kingullerni ullormut minnerpaamik 60 minutsini timiminnik aalatitsisarlutik paasissutissiissutigaa. Taamatuttaaq 9.-10. klassini atuartut 31%-ii pujortartarlutik akippat.

Meeqqanut inuusuttunullu suliassaqarfimmi peqqissutsimik siuarsaanissamik pitsaaliuinermillu suliaqarnerup pitsanngorsarnissaa siunertaralugu 2022-mi aprilimi kommunimi aaqjissuussinikkut allanguisoqarpoq. Tassani Peqqinnermut, Pitsaaliuinermut Susassaqartitsinernullu Immikkoortorta Meeqqanut Atuarfeqarnermullu Ingerlatsivimmut nuuppoq. Nikisitsisoqarnerani sunngiffimmi susassaqartitsinermut tunngasut namminneq immikkoortorta qalerput kiisalu Ineriartortitsinermut, Peqqinnermik Siuarsaneq Pitsaaliuinernullu Immikkoortorta pilersinneqarpoq.



2022-mi 1. aggustimi Ineriartortitsinermut, Peqqinnermik Siuarsaaneq Pitsaaliuinnermullu Immikkoortortami suliniutinik ataqatigiissaarisumik, suliassaqarfimmi nassuiaasiortussamik atorfinitsitsisoqarpoq. Suliniutinik ataqatigiissaarisup pitsaaliuinnermik siunnersortit peqatigalugit, suliniutit peqqinnermik siuarsaasut pitsaaliuisullu ingerlatsiviup suliassaqarfiini tamani ineriartortitsinermik suliniutini tamani ilanngunneqartarnissaannik qulakkeerinninnissaq isumagissavaa.

Taamaattumik Meeqqanut Atuarfeqarnermullu Ingerlatsiviup HBSC-mik nalunaarusiaq, suliniuteqarfissanik nutaanik kiisalu suliniutit pioreersut sorliit annerusumik suliaraqarfissaanerik suussusersiinissamut naleqqatut atortussatullu isigaa.

Ingerlatsiviup tamanna tunngavigalugu nalunaarusiamik allattut 25. aggustimi misissuinerup inernerinik ingerlatsivimmut atuarfinnilu pisortanut saqqummiinissaannut, kinguneranilu atuarfiit qanoq peqqissutsimik siursaataasumik suleriaaseqarsinnaaneri pillugit oqallittoqarnissaanut qaaquvai. Ilutigalugu Peqqinnermik Siuarsaaneq Pitsaaliuinnermullu Immikkoortortaq nalunaarusiap inernerinik sukumiisumik misissuissaaq kiisalu Atuarfeqarnermut sunngiffeqarnermullu susassaqarfimmi qanoq ilaatigut HBSC-mik nalunaarusiami sammineqartut pingaarnerit iluini peqqissutsimik siursaataasunik pitsaaliuisunillu suliartoqarsinnaanersoq pillugu misissuinnermik aallartitsissalluni.

Misissuinnermi matumani Kommuneqarfik Sermersuumi atuarfinni, ulluunerani neqeroorutini sunngiffimmilu ullumikkut siunissamilu suliniutinik peqqissutsimik siursaataasunik pitsaaliuisunillu ataatsimut nassuiaammik suliqarnermik ingerlatitseqqinnissaq siunertaavoq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumi atuarfeqarneq pillugu politikki
- Kommuneqarfik Sermersuumi timersornermut politikki
- Kommuneqarfik Sermersuumi imigassaq pillugu politikki
- Kommuneqarfik Sermersuumi 6-imit 16-inut ukiulinnut nerisaqarneq pillugu politikki
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq

Ilanngussat

1. Health Behaviour in School-aged Children (HBSC) 2022. Kommuneqarfik Sermersooq. Kommune pillugu nalunaarusiaq

Punkt 2: Atuartut angerlarsimaffiannut innersuussinermut ataatsimiitamik pilersitsineq

Beslutning

Ilisimatitsissut tusaatissatut tiguneqarpoq.

Bilag

Kommuneqarfik Sermersuumi innersuussinermut ataatsimiititamut innersuussinermillu ingerlatsinermut najoqqutassanik nassuiaammut utaqqiisaasumik siunnersuut

Atuartut angerlarsimaffiannut innersuussinermut ataatsimiititamik pilersitsineq

Ilisimatitsissut

SagsID: EMN-2022-05388

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- innersuussinermut ataatsimiititamik pilersitsineq pillugu ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Ukiup nikinnerani atuartut angerlarsimaffianni najugaqarneq pillugu nalunaarut nutaaq atuutilerpoq. Nalunaarutip ilaani innersuussinermut ataatsimiititamik pilersitsisoqassasoq peqqussutigineqarpoq. Innersuussinermut ataatsimiititaq taana sulianik attuumassutilinnik suliaqartunik kommunimi ingerlatsivinnit ataasiakkaaneersunik inuttaqassaaq, pisariaqassappallu allanik kiisalu oqartussanik attuumassutilinnik peqataatitsinnaassalluni. Taamatuttaaq innersuussinermut ataatsimiititaq atuartut angerlarsimaffianni aqutsisunik oqaloqateqartassaaq.

Innersuussinermut ataatsimiititap atuartup kommunimi atuartunut angerlarsimaffimmut inissineqarnissaanut atatillugu, perorsaanikkut immikkut ikiorsiinissamut il.il. pisariaqartitsinermik, ikiorsiinissap suussusaanik annertussusaanillu kiisalu kommunimi atuartunut angerlarsimaffimmi najoqqutassat atuartup pisariaqartitaanik isumaginninnissamut naammannerinik naliliisarnissaq siunertaraa.

Innersuussinermut ataatsimiititap aamma atuartup pisariaqartitaasa atuartunut angerlarsimaffimmiinnerata utaqqiisaasumik atajuartussamilluunniit piffissaatinnagu naammassinissaanut atatillugu isumagineqarnissaat siunertaraa. Naggataatigut innersuussinermut ataatsimiititaq aamma atuartunut atuartut angerlarsimaffianniittunut pissaanermik atuisoqartillugu nalunaarfigineqartassaaq.

Innersuussinermut ataatsimiititaq nalunaarummi atuartumik, arlaleriarluni allakkatigut mianersoqquneqareernerup kingorna illumi ileqqorissaarnissamullu malittarisassanik unioqqutitsisumik immikkut ikiorsiinermik aallartitsisoqassaneranik aalajangiisinnaanermik ersarissumik pisinnaatitaapput. Ilutigalugu innersuussinermut ataatsimiititaq, atuortoq atuartut angerlarsimaffianni atuartunut sulisunulluunniit annertuumik ajoqutaasumik pissusilersorpat atuartut angerlarsimaffianniinneranik unitsitsinissamik aalajangiisinnaanissamik ersarissumik pisinnaatitaapput.

Innersuussinerup ingerlaneranut najoqqutassat nalunaarut nutaaq malillugu kommunip nittartagaani tamanut saqqummiunneqassapput. Tamanna tunngavigalugu Meeqqanut Atuarfeqarnermullu Ingerlatsivik innersuussinermut ataatsimiititap ingerlanneqarneranut



innersuussinermillu ingerlatsinermut najoqqutassanik nassuiaammut utaqqiisaasumik siunnersuummik suliaqarpoq. Tassani immikkoortumi siullermi nalunaarut malillugu innersuussinermut ataatsimiititaq pillugu nuna tamakkerlugu aalajangersakkat nassuiarneqarput, matumalu kingorna innersuussinermut ataatsimiititap katiterneqarneranut, akisussaaffimmik agguataarinermut innersuussinermillu ingerlatsinermut najukkami aalajangersakkat nassuiarneqarlutik.

Innersuussinermut ataatsimiititamut pingaarnertut akisussaaffik matumani sullissineq, allatsitut atuuffik ataqatigiissaarinerlu ilanngullugit, Meeqqanut Atuarfeqarnermullu Ingerlatsivimmi Atuarfeqarnermut Immikkoortortamit pingaarnertut ingerlanneqassapput. Najoqqutassanik nassuiaat innersuussinermut ataatsimiititami ilaasortat sinnerinut saqqummiunneqareerpat ukiumilu atuarfiusumi 2022/2023-mi innersuussinermut ataatsimiititap aallartisarneqarneranut atatillugu misilittakkat siullit pissarsiarineqareerpata, najoqqutassanik nassuiaammi immikkoortup tulliani allanngortiterinissaq pisariaqalersinnaavoq.

Ingerlatsivimmit aningaasatigut sulisoqarnikkullu naliliinerit

Innersuussinermut ataatsimiititamik pilersitsinissamut, ataavartumillu ingerlatsinissamut atatillugu aningaasartuutissat ingerlatsiviup nammineq missingersuutaasa iluannit akilerneqarsinnaapput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Atuariartortunut atuartut angerlarsimaffianiititsisarneq pillugu Namminersorlutik Oqartussat nalunaarutaat nr. 76, 21. december 2021-meersoq
- Kommuneqarfik Sermersuumi atuartut angerlarsimaffiannut immikkoortumut pilersaarut
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsineq ikiorsiisarnerlu pillugit Namminersorlutik Oqartussat nalunaarutaat nr. 21 8. dec. 2017-imeersoq.
- Naammattusaammik atuartitsineq, kalaallit danskillu oqaasiinik immikkut aaqqissuussamik atuartitsineq kiisalu ilitsoqqussaralugu oqaaserisanik atuartitsineq pillugit Namminersornerullutik Oqartussat nalunaarutaat nr. 21, 21. december 1999-imeersoq
- Inatsisartut inatsisaat nr 20, 26 juni 2017-imeersoq.
- Isumaginninnermik suliaqarfimmi pissaanermik atuneq pillugu Inatsisartut inatsisaat nr. 1, 21. november 2013-meersoq

Ilanngussat

1. Kommuneqarfik Sermersuumi innersuussinermut ataatsimiititamut innersuussinermillu ingerlatsinermut najoqqutassanik nassuiaammut utaqqiisaasumik siunnersuut

Punkt 3: Tunumi nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut

Beslutning

Ilisimatitsissut tusaatissatut tiguneqarpoq.



Tunami nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut

Tasiilap nunaqarfiini 0-3-nut ukiulinnut paarsinissamik neqeroorummik pilersitsinermik ilisimatitsissut

Ilisimatitsissut

SagsID.: EMN-2022-07214

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsivimmit Meeqqanut Atuarfeqarnermullu Ataatsimiititamut inassuteqaatigineqarpoq:

- tunumi nunaqarfinni angerlarsimaffimmi paarsisartoqarnermi neqeroorummi allannguinermik ilisimatitsissut tusaatissatut tiguneqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Tunami nunaqarfinni angerlarsimaffimmi paarsisartoqarnermi neqeroorummi allannguut ulloq 8. decembari 2021-mi Kommunalbestyrelsimi ataatsimiinnermi akuersissutigineqarpoq. Tamanna pivoq nunaqarfinni ukioqanngitsuniit pingasunik ukiullit paarineqarnissaannut pisariaqartitsineq matussuserniarlugu.

Ingerlatsivimmi kissaatigineqarpoq, allanngortiterinerмик suliaqarneq pillugu ilisimatitsisoqassasoq killiffissiuineq ilanngullugu.

Nunaqarfinni Sermiligaami, Kuummiini, Tiilerilaami aamma Isertumi meeqqanut 3-niit 5-inut ukiulinnut neqeroorutigineqareersut angerlarsimaffimmi paarsisartoqarneq, 0-5-inut ukiulinnut angerlarsimaffimmi paarsisarnermik aqqissuussanngortinneqassaaq, ammasarfiilu ullumikkut 08.00-miit 15.00-mut, 08.00-imiit 16.00-imut tassa 1 tiimimik sivitsorneqassallutik.

Kulusumi meeqqanut 0-imiit 5-inut angerlarsimaffimmi paarsisarnermik aqqissuussaaq aamma akunnermik ataatsimik sivitsorneqassaaq, ullumikkut 8.00 - 15.00-mut ammasartoq 8.00 - 16.00-imut sivitsorlugu.

Nunaqarfinni angerlarsimaffimmi paarsisartoqarnermi illut naleqquttut pissarsiarisinnaajumallugit ingerlatsivimmi decembari 2021-mili qulaajaaneq ingerlanneqarpoq. Ingerlatsivik Iserit suleqatigalugu eqqumaffigivaa, Kuummiini, Sermiligaami Kulusummilu init anginerusut pisariaqartinneqartut.

Meeqqanik ukioqanngitsuniit 3-nut ukiulinnik paarsinissamik neqeroorutini tamani atortut pisariaqartut tamaasa, taakkununga ilaallutik nangilersuviit, naalungiarsunnut siniffiit il.il. inniminnerneqarnissaannik suliniuteqartoqarpoq.

Sermiligaami, Tiilerilaami aamma Isertumi atortut piareerniariarpata meeqqanik amerlanerusunik inissaqartitsisoqalissaaq. Taamaattorli Sermiligaami kissaatigineqarluni, atisaajartarfimmi inissaqarnerulernissaaq aamma nillataartitsivik qerititsivillu ullumikkut pinnguartarfimmiitinneqartut inissaqarnissaat pillugit paarliup allineqarnissaa.

Maannangaaq Kuummiini meeqqat 14-nit paarineqartarput sulisunit pingasunit. Atorfinitseqqinnissaaq sulissutigineqarpoq, sulisut meeqqat amerlassusaannut nalimmassarniarlugit.

Nunaqarfinni ilinniarsimasunik piukkunnarsimasunillu sulisoqarnissaaq ingerlatsivimmit eqqumaffigineqarpoq. Ikiueqqaarnermik pikkorissarneq pingaarnersaatinneqarpoq, siunissamilu



ungasinnerusumi qaammatini qulingiluani ingerlasussamik Ulluunerani neqeroorutini ikiortitut ilinniagaqartitsinissaq.

Tulleriissarisartut aamma ulluunerani neqerooruteqarfimmi fagcheffi septembarimi nakkutilliiartornerminnut atatillugu sulisunik angajoqqaanillu ataatsimiititsiniarput, allannguutit akigitallu pillugit tassani paasissutissiissutigineqassallutik.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Meeqqanut suli atualinngitsunut perorsaanikkut inerikkiartuutaasunik ulluunerani neqeroorutit pillugit Inatsisartut inatsisissaat nr. 16, 3. december 2012-imeersoq, kap. 4 aamma 5.

Ilanngussat

Ilanngussaqaqanngilaq.

Punkt 4: Piffissaq ilaannaanik atuinermut pilersaarut

Beslutning

Inassuteqaat itigartitsissutigineqarpoq.

Piffissaq ilaannaanik atuinnermut pilersaarut

Kommunalbestyrelsimi ilaasortap Poul Petersenip (D) Meeqqanut Atuarfeqarnermullu Ataatsimiititamut siunnersuutaa

Aalajangiiffigisassaq

SagsID.: EMN-2022-07251

Inassuteqaat

Kommunalbestyrelsimi ilaasortaq Poul Petersen (D) Meeqqanut Atuarfeqarnermullu Ataatsimiititamut inassuteqaateqarpoq:

- siunnersuut Meeqqanut Atuarfeqarnermullu Ataatsimiititami oqaluuserineqassasoq ingerlariaqqinnissallu qanoq pinissaa aalajangiiffigineqarluni

Suliassamik saqqummiussineq

Kommunalbestyrelsimi ilaasortaq Poul Petersen (D) apriliip 28-anni 2022 Meeqqanut Atuarfeqarnermullu Ataatsimiititamut aalajangiiffigisassaatut siunnersuummik nassiussivoq. Piffissap ilaannaanik atuneq pillugu pilersaarusiortoqarsinnaanera ataatsimiititamit eqqartorneqassasoq Poul Petersenip kissaatigivaa.

Tunngavilersuut (nutsigaq):

"Siunnersuutigerusuppara, Meeqqanut Atuarfeqarnermullu Ataatsimiititaq Ingerlatsivik peqatigalugu, meeqqerivinni piffissap ilaannaani meeqqerivimmiittoqarsinnaanera pillugu pilersaarusiortoqarsinnaanera misissorneqassasoq (taamatut periarfissaqartoqareersimanngippat). Meeqqamut/meeqqanut angajoqqaatut piffissaq ilaannaani inissamik neqeroorfigitissinnaaneq siunnersuummi matumani tunngavigineqarpoq. Taamatut aaqqissuussinikkut inuit piffissap ilaannaani sulisartut, ilinniartut imaluunniit meeqqap aalajangersimasumik ukioqarnerani piffissaqarfigerusunnerunissaanik kissaateqartut periarfissinneqassagaluarput.

Siunnersuummi aamma allaffissornikkut periarfissat ajornartorsiutaasinnaasullu, kisianni aamma meeqqerivinni ataasiakkaani misissorneqarnissaat kissaatigineqarpoq, illoqarfimmiit illoqarfimmut (nunaqarfiit aamma) assigiinngitsuuneri (naatsorsuutigineqarsinnaammat), kiisalu aningaasaqarnikkut kingunissat tullerijaaarneqarnissaat/misissorneqarnissaat ilanngullugu.

Taamatullu massakkut inissaaleqinermut qanoq sunniuteqassanersoq aamma sulisoqarniarnikkut ajornartorsiornermut tunngatillugu taamatut neqerooruteqarneq piffissami sivikinnerusumi aamma sivisunerusumi kinguneqassanersoq.

Piffissaq tamakkerlugu akilertarnissaa, illit piffissap ilaannaani sulisaruit/ilinniartuuguit il.il. naapertuutinnigilaq, meeqqavit meeqqerivimmiittarnera/t ullup ilaannaani aaqqissuussinermut naapertuuppat.

Piffissap ilaannaanik aaqqissuussineq assignngitsorpassuartigut aaqqissuunneqarsinnaavoq, assersuutigalugu sapaatip akunnerata ingerlanerani aalajangersimasunik freertinneqarsinnaavoq imaluunniit takkuttarnerit aatittarnerillu aalajangersimaqqissaartinneqarsinnaapput. Meeraq ullut tamaasa takkuttarpat piffissaq sinnerlugu meeqqerivimmiissimanera nalunaarsuinikkut ersersinneqarsinnaavoq. Taamaattoqarsimappat saniatigut akiligassat Kommuneqarfik Sermersuumiit naatsorsorlugit ilanngullugit nassiunneqassapput. Naatsorsuutikkut takuneqarsinnaassaaq piffissaq malinneqarsimanngitsoq."

Siunnersuut qanoq aningaasaliiffigineqassava?

Siunnersuuteqartumit erseqqissarneqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
§ 13. Kommunalbestyrelsimi ilaasortap kialuunniit kommunip susassaarfii pillugit apeqqutit suulluunniit kommunalbestyrelsimut saqqummiussinnavai aammalu tamakku pillugit aalajangiinissanut siunnersuutinik saqqummiussinnaalluni. Ataatsimiititaliat borgmesterilu paasissutissanik taassuma piumasaanik, kommunalbestyrelsillu aalajangernissaanut inatsisitigut aalajangersakkat qaqugukkulluunniit malinneqartussaataasut pillugit kommunalbestyrelsimut nalunaaruteqassapput.
- Kommunalbestyrelsip suleriaasissaatut aalajangersagaq §3:
Kommunalbestyrelsimut ilaasortaq kinaluunniit kommunip susassaarfii pillugit kommunalbestyrelsimut suliaassanngortitsisinnavaoq (aqutsineq pillugu inatsimmi § 13 naapertorlugu).
Oqaluuserisassanngortitsineq § 4 naapertorlugu pisassaaq.
Suliaq oqaluuserisassanut ilanngunneqareerpat, § 8 naapertorlugu suliap oqaluuserineqarnissaa pillugu kommunalbestyrelse ataatsimiinnermi aalajangiissaaq.
Sulianut aalajangiiffigisassatut siunnersuutitut ilanngunneqarsimasunut aamma tamanna atuuppoq.

Ilanngussat
Soqanngilaq.

Punkt 5: Tapiissuteqartarnermut malittarisassanut nutaanut siunnersuut

Beslutning

Inassuteqaat akuersissutigineqarpoq, imatut oqaaseqaatitalerlugu:

Aningaasanut siunnersuutissat oqallisigineqalerpata kissaatigineqarpoq Aningaasaqarnermut Inuussutissarsiornermullu Ataatsimiititami kiisalu Kommunalbestyrelsimi qaqinneqassasut.

Bilag

Tapiissuteqartarnermut malittarisassanik nutaanik nassuiaat

Massakkut aningaasat agguataarneqarneri, ilaasortat amerlassusaat peqatigiiffiillu missingersuutaat

Tapiissuteqartarnermut malittarisassat massakkut atuuttut



Tapiissuteqartarnermut malittarisassanut nutaanut siunnersuut

Tapiissutit pitsaanerit peqatigiiffinnik pitsaanernik naligiinnerulernemillu pilersitsissapput.

Aalajangiiffigisassaq

SagsID: EMN-2022-05421

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat:

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamat inassuteqaatigaa:

- tapiissuteqartarnermut malittarisassanik allannguinnissaq akuerineqassasoq
- suliaq Aningaasaqarnermut Inuusutissarsiornermullu Ataatsimiititamat aalajangiiffigisassatut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

2019-imi tapiissuteqartarnermut malittarisassat nutaat 2021-p tungaanut misiliiffimmik piffissaliussilluni akuersissutigineqarput. Piffissami misiliiffiusumi susassaqtitsinermik immikkoortortap tapiissuteqartarnermut malittarisassat atuutsinneqalersut peqatigiiffinnut pitsaanerpaajungitsut paasivaat. Piffissami misiliiffiusumi peqatigiiffinnit arlalinnit, tapiissuteqartarnermut malittarisassat tungaasigut ajornartorsiuteqarneq, taakkulu pillugit allannguuteqartitsisoqarnissaanut kissaateqarneq pillugu saaffiginnissuteqartoqareersoq, tapiissuteqartarnermut malittarisassat ilanngussaq 1-imi nassuiarneqartunut allanngortinneqarnissaat siunnersuutigineqarpoq. Ilangussaq 1, GIF-imi siunnersuineq piffissamilu misiliiffiusumi misilittakkat tunngavigalugit suliarineqarpoq. Peqatigiiffit piffissami misiliiffiusumi saaffiginnissutigineqarpoq, peqatigiiffit isumaqarmata naligiingitsumik agguataarinerusoq, peqatigiiffinni ilaasortat amerlassusaat aallaavigalugu peqatigiiffit ilaat allanit amerlanerusunik tapiiffigineqartarmata. Tassani assersuutigineqarsinnaavoq peqatigiiffik angisooq X 63.000 kr.-nik pissarsisartoq 250-inillu ilaasortaqluni kiisalu peqatigiiffik minneq 62.000 kr.-nik pissarsisartoq 50-inillu ilaasortaqluni. Aningaasat agguataarneqarnerinik sukumiinerusumik ersarissaaneq ilanngussaq 2-mi takuneqarsinnaavoq.

Taamaattumik Meeqqanut Atuarfeqarnermullu Ingerlatsiviup tapiissuteqartarnermut malittarisassat piffissami misiliiffiusumi misilittagarilikkat tunngavigalugit naleqqussarneqassasut.

Tapiissuteqartarnermut malittarisassani aningaasaatit 1-imut allannguutissatut siunnersuut:

Tapiissuteqartarnermut malittarisassat ilanngussaq 1-imi nassuiarneqartutut atuutsinneqalissasut, aningaasaatit 1-i tapiissutinut pingasunut assigiingitsunut avinneqarlutik; ingerlatsinermut tapiissut, ilaasortanut tapiissut kiisalu angalanernut tapiissut. Takussutissiami Nuuk aallaavigalugu aningaasat qanoq agguataarneqassanersut takuneqarsinnaavoq. Takussutissiaq massakkut peqatigiiffit amerlassusaat, peqatigiiffinni ilaasortat aningaasallu Nuummi peqatigiiffinnut immikkoortitat aallaavigalugit naatsorsorneqarpoq, taakkulu allanngorpata allannguuteqassalluni.

Ingerlatsinermut tapiissut (1,7 mio. kr.-nit 10%-ii)	170.000 kr.	Peqatigiiffimmuut ataatsimut 4.146 kr.-nit (peqatigiiffit nalunaarsukkat 41-t)
Ilaasortanut tapiissutit (1,7 mio. kr.-nit 15%-ii)	255.000 kr.	Ilaasortamut ataatsimut 85 kr.-nit (ilaasortat 3.000-it)
Angalanissanut aningaasaatit (1,7 mio. kr.-nit 75%-ii)	1.275.000 kr.	Billetit 375-it (3.400 kr.-nik akillit)



Siunnersuut una aningaasartuutitaqassanngilaq. Peqatigiiffinnut atugassarititat kommuninut allanut sanilliullugit pitsanngorsarneqassappata aamma/imaluunniit assigiimmik ingerlanneqassappata, periarfissat marluk allat sulissutigineqarsinnaapput, taakkuli pissappata peqatigiiffinnut amerlanerusunik aningaasaliinissaq pisariaqassaaq.

Tapiissuteqariaatsimut allamut siunnersuut 1:

Peqatigiiffiit aningaasanik amigaateqarnertik pillugu saaffiginnissutaasigut kiisalu ukiumut missingersuutit nassiuttagaat (ilanngussaq 2 takuuk) aallaavigalugit, peqatigiiffinnut aningaasanik immikkoortitsisarneq naammanngitsoq misilittagarineqarpoq, tamannalu ingerlalluarnissaannut akornutaasarpoq. Taamaattumik ingerlatsiviup peqatigiiffinnut tapiissutit ass. 5 mio. kr.-nut amerlineqarnissaat siunnersuutigaa. Takussutissiaq qulaaniittutut Nuummi aallaaveqarpoq.

Ingerlatsinermit tapiissutit (5 mio. kr.-nit 10%-ii)	500.000 kr.	Peqatigiiffimmut ataatsimut 12.195 kr.-nit (peqatigiiffiit nalunaarsukkat 41-t)
Ilaasortanut tapiissutit (5 mio. kr.-nit 15%-ii)	750.000 kr.	Ilaasortamut ataatsimut 250 kr.-nit (ilaasortat 3.000-it)
Angalanissanut aningaasaatit (5 mio. kr.-nit 75%-ii)	3.750.000 kr.	Billetit 937-t (4.000 kr.-nik akillit)

Peqatigiiffiit missingersuutaannik naatsorsuinerit aallaavigalugit periarfissanut allattorsimaffiup taamaattup peqatigiiffinnut aningaasartuutissat amerlanersaat equutsissavai.

Tapiissuteqariaatsimut allamut siunnersuut 2:

Nunatsinni sunngiffimmi siunnersortit allat siunersiuiffigereerini Kalaallit Nunaanni kommunini allani tapiissuteqartarnermut aaqjissuussinerit 100%-iusut atuutilersimasut paasineqarpoq. Tamanna Kommuneqarfik Sermersuumi atuutilissagaluarpat, peqatigiiffiit missingersuutaannik naatsorsuinerit aallaavigalugit, tamanna massakut 9 mio. kr.-nik piumasqaateqarfiussagaluarpoq. Periarfissanut allattorsimaffimmi taamaattumi, aningaasat immikkoortinneqarnikut pioreersut (750.000 kr.-nit), sunngiffimmi allagartamut meeqqanut ilaqutariinnit pissakinnerusuneersunut aningaasartuutit matussuserniarlugit atuutilersinneqartumeersut atorlugit Meeqqanut Atuarfeqarnermullu Ingerlatsivik tapersiisinnaavoq. Siunnersuut akuerineqassappat, sunngiffimmi allagartaq pisariaqartinneqarunnaassaaq.

Ingerlatsivimmit aningaasatigut sulisoqarnikkullu naliliinerit

Tapiissuteqartarnermut malittarisassat nutaat akuerineqarnissaat aningaasaqarnikkut kinguneqartitsissanngilaq.

Tapiissuteqariaatsit allat sulissutigineqarnissaat ingerlateqqikkusunneqarpat, periarfissanut allattorsimaffiortoqartariaqassaaq.

Suliffeqarfimmut Kiffartuussivimmit aningaasatigut naliliineq

Agguaassineri pingaarnertut najoqqutassamut aningaasatigut kinguneqassanngilaq, aningaasaliissutit amerlineqarnissaat naatsorsuutigineqartillugu. Tapiissutit ukiut tamaasa isumaqatiginninniutigineqartassapput, peqatigiiffimmut ilaasortat allattorsimaffiata pissarsiarineratigut aammalu paasissutissat aammalu tapiissutit amerlassusissannut tunngatillugu pisariaqartinneqartut pissarsiarinerisigut.

Tapiissuteqariaatsit marluk ilaat ataaseq ingerlateqqinneqartussatut kissaatigineqarpat, taakkua pillugit immikkut aningaasatigut nalilersuisoqassaaq.



Ilanngussat

1. Tapiissuteqartarnermut malittarisassanik nutaanik nassuiaat
2. Massakut aningaasat agguataarneqarneri, ilaasortat amerlassusaat peqatigiiffiillu missingersuutaat
3. Tapiissuteqartarnermut malittarisassat massakut atuuttut

Punkt 6: Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq

Beslutning

Inassuteqaat akuersissutigineqarpoq.



Kommuneqarfik Sermersuumi inuussutissarsiutit tunngavigalugit atuaqatigiinnik pilersitsineq

Aalajangiiffigisassaq

SagsID: EMN-2022-05247

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- Kommuneqarfik Sermersuumi inuussutissarsiutit tunngavigalugit atuaqatigiinnik pilersitsinissami ilusissaatut aallaaviusussamik misissueqqaarnerup suliarineqarnera akuersissutigineqassasoq
- suliaq Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut akuerisassanngorlugu ingerlateqqinneqassasoq

Suliasamik saqqummiussineq

Kommuneqarfik Sermersuumi Inuit Ataqatigiit aamma Naleraq suleqatigiinnissamut isumaqatigiissutaanni allaqqavoq, Kommuneqarfik Sermersuumi meeqqat atuariini atuartut tamaasa inuusuttut ilinniagaqalernissaannut piginnaanngorsassallugit, aammattaaq atuartut inuttut ilikkagassatigullu piginnaanngorsassallugit, imminnut tatigalutik pisariaqartumillu ilorlikkut nakuussuseqarlutik siunissaminnik naapitsisinnaaqqullugit, nunarsuarmioqataalluni inuuneq nutaaliaasoq pissuseqarfigisinnaallugu. Aamma kommunimi suliffeqarfiit suleqatigineqarnerulernissaat siunnersuutigineqarpoq, atuarfimmi skemami assassorluni piginnaasat amerlanerit, suliffeqarfinni sungiusarnerit amerlanerit aammalu suliffeqarfiit sungiusarfissat amerlanerit kiisalu suliffeqarfiit toqqaannartumik atuarfinni najuuttoqarnissaat. Kiisalu atuartut atuariartorumaneq ajortut neqerooruteqarfigineqartalissapput.

Oktoberi 2021-mi Meeqqanut Atuarfeqarnermullu Ataatsimiititaq angalavoq, taamanikkullu Aalborg Kommuneani 10. erhvervsklasse UAX EUD10 ilaatigut ataatsimiititamit pulaarneqarpoq. Tamanna tunngavigalugu Meeqqanut Atuarfeqarnermullu Ingerlatsiviup Kommuneqarfik Sermersuumi inuussutissarsiutit tunngavigalugit atuaqatigiinnik pilersitsinissamut periarfissanik misissuineq aallartisalerpaa.

Inuussutissarsiutit tunngavigalugit atuaqatigiit meeqqat atuarianni angajullernut immikkut ittumik ilisimasaqarluni anguniagalimmik neqeroorutit nassuiarneqarsinnaavoq, ukioq atuariusoq tamaat sivilisutiginnaallunilu piffissani sivikinnerusuni atuussinnaasoq. Atuartitseriaaseq aammalu perorsaanikkut pissarsiat pineqarput, atuagarsorneq aamma sulineq kiisalu suliffimmi sungiusarneq annertuumik akuleriissillugit pingaartinneqarlutik. Inuussutissarsiutit tunngavigalugit atuaqatigiinni atuartut naliginnaasumik fagini arlalinnik sakkortusisamik qangatoortumillu atuarinneqartarput, tamakkulu kingornagut misilitsissutigineqartarput. Taakkununga ilanngullugu atuartut assassorlutik piginnaasatik, angusatik sulinertillu pillugit pitsaanerumumik uppersaatissarsisarput, inuussutissarsiutit tunngavigalugit atuaqatigiinni aammalu suliffeqarfinni sungiusarnerminni pissarsiarisimasaminnik.

Atuaqatigiit tassaasinnaapput atuartut, assassornermik pikkoriffeqartorujussuit, taamaattumillu atuarnerminni atuartitaanerminnilu assassornermut tunngasunik annertunerumik



pissarsitinneqarnissaminnik pisariaqartitsisut. Aamma imaassinnaavoq atuartut meeqqat atuarianni qangatoortumi assigiinngitsunik peqquteqarlutik ingerlalluannngitsut, atuarumaneq ajortut imaluunniit arlaatigut peqquteqartumik assassornermut tunngasunik atuartinneqarnissaminnik atuilluarsinnaanerusut. Inuussutissarsiutit tunngavigalugit atuaqatigiinni atuarnermi atuartut ataasiakkaat imminnut tatiginerat piumassuseqarnerallu aammalu atuagarsornikkut assassornikkullu piginnaasaat pitsanngorsarneqarsinnaapput. Tassunga ilanngunneqassaaq aamma atuartut ataasiakkaat inuusuttunut ilinniarfimmi ilinnialernissaannut imaluunniit atuarfimmit taamaatereernerminni suliffeqalernissaannut periarfissagissaarnerulersinneqarsinnaammata.

Tamanna pillugu kommunimi atuarii aqutsisuinik ataatsimeeqateqareernermi, atuarii aqutsisuisa oqaatigaat, kommunimi inuussutissarsiutit tunngavigalugit atuaqatigiinnik pilersitsinissamik pisariaqartitsisoqaalunilu kissaateqartoqartoq. Kommunimi meeqqat atuarii sionatigut aaqqissuussinernut assingusunik ingerlatsisoqarnikuvoq, pingaartumik Atuarfik Ukaliusaq aamma Tasiilami Alivarpi, taakkuli assigiinngitsunik peqquteqartunik atorunnaarnikuupput. Inuussutissarsiutit tunngavigalugit atuaqatigiit Kalaallit Nunaanni Danmarkimilu kommunini allani aamma ilisimaneqarput.

Kommuneqarfik Sermersuumi inuussutissarsiutit tunngavigalugit atuaqatigiinnik ataatsimik arlalnilluunniit pilersitsiniaraanni, Meeqqanut Atuarfeqarnermullu Ingerlatsivik erseqqissaasariaqarpoq, inuussutissarsiutit tunngavigalugit atuaqatigiit qanoq ilusilersorneqassanersut.

Assersuutigalugu erseqqissaatigineqassaaq, atuarfik pillugu inatsisip atuuttup iluani aaqqissuussineq qanoq inissaqartinneqassanersoq, imaluunniit misiligitut aaqqissuussiffigineqarnissaa qinnuteqaatigineqassanersoq. Pisariaqartoq alla tassaavoq, suliniummi soqutigisallit arlallit peqatiginissaannut suleqatiginissaannullu pisussaaffilimmik isumaqatigiissuteqartoqarnissaa, tassunga ilanngullugu pingaartumik suliffeqarfinnik suliutigullu ilinniarfeqarfinnik. Tassunga ilanngullugu assersuutigalugu nalilersorneqassaaq, Nuummi atuarfittaassami inuussutissarsiutit tunngavigalugit atuaqatigeeqarnissamut naammattumik inissaqarnerasoq, imaluunniit allarluinnarmi inissinneqassanersut.

Tamanna tunngavigalugu ingerlatsiviup naatsorsuutigaa misissueqqaarnermik aallartitsisoqassasoq, tassanilu pingaarnertut immikkoortut tulluuttut erseqqissaassutigineqassasut:

- 1) Nunanit allanit isumassarsisarnerit
- 2) Inatsisitigut tunngavigineqartut
- 3) Suleqatit
- 4) Sullinneqartut
- 5) Sumiiffissaa atortussaalu
- 6) Sulisunik pisariaqartitsineq
- 7) Suliap imarisai
- 8) Aaqqissuussaaneq
- 9) Aningaasaqarneq

Ingerlatsiviup naatsorsuutigaa, Kommuneqarfik Sermersuumi inuussutissarsiutit tunngavigalugit atuaqatigiilornissamut misissueqqaarnermi angusat inaarutaasumillu ilusiliineq 2023-mi marsip naalernerani saqqummiunneqarsinnaassasoq.



Ingerlatsivimmit aningaasatigut sulisoqarnikkullu naliliinerit

Ingerlatsiviup nalilerpaa, inuussutissarsiutit tunngavigalugit atuaqatigiiliornissamut misissueqqaarnerup naammassineqarnissaa ilusilersorneqarnissaalu ingerlatsiviup missingersuutaasa iluini ingerlanneqarsinnaassasoq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatitallit

- Inuit Ataqatigiit aamma Naleqqap akornanni Kommuneqarfik Sermersuumi kommunalbestyrelsimi 2022-mit 2025-mut suleqatigiinnissamik isumaqatigiissutaat
- Atuarfik pillugu Inatsisartut inatsisissaattut siunnersuut nr. 15, 3. December 2012-imeersoq
- Meeqqat atuarfianni immikkut atuartitsineq ikiorsiisarnerlu pillugit Namminersorlutik Oqartussat nalunaarutaat nr. 21 8. dec. 2017-imeersoq.
- Meeqqat atuarfianni inaarutaasumik naliliineq pillugu Namminersornerullutik Oqartussat nalunaarutaat nr. 3, 9. januar 2009-meersoq
- Atuarfimi naliliisarneq uppersaasiortarnerlu pillugit Namminersornerullutik Oqartussat nalunaarutaat nr 2, 9 januar 2009-meersoq

Ilanngussat

Soqanngilaq.

Punkt 7: Inuusaq atorlugu suliniut - kinguaassiuutitigut peqqissuunissaq

Beslutning

Inassuteqaat itigartitsissutigineqarpoq, imatut oqaaseqaatitalerlugu:

Namminersorlutik Oqartussat inuusaq atorlugu suliniut tunniutissappassuk ataatsimiititaliamiit kissaatigineqarpoq aningaasanut inatsisissami aningaasat suliniummut illikartinneqarsimasut kommunimut tunniunneqassasut.



Inuusaq atorlugu suliniut - kinguaassiuutitigut peqqissuunissaq

Inuusaq atorlugu suliniutip Paarisamit Kommuneqarfik Sermersuumut tunniunneqarnissaa

Aalajangiiffigisassaq

SagsID: EMN-2022-04833

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

Meeqqanut Atuarfeqarnermullu Ingerlatsiviup Meeqqanut Atuarfeqarnermullu Ataatsimiititamut inassuteqaatigaa:

- inuusaq atorlugu suliniut Paarisamit tunniunneqarnissaa 2023-mut missingersuutit pillugit isumaqatigiinniarnermi politikikkut pingaartinneqartussatut ilaatinneqarnissaa aalajangiiffigineqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut akuersissutigisassanngorlugu ingerlateqqinneqassasoq.

Suliassamik saqqummiussineq

Isumaginninnermut Aqutsisoqarfiup ataaniittoq Paarisap 9. klassinut kinguaassiuutitigut suliniutaa "Inuusaq atorlugu suliniut" Kommuneqarfik Sermersuumut tunniunneqarnissaa kissaatigaa.

Paarisamit Kommuneqarfik Sermersuumi ukioq atuarfiusoq 2022/2023-mi siunissamilu atuartitsinissamik neqeroorniarnatik nalunaarput.

Inuusaq atorlugu suliniut Nuna tamakkerlugu suliniutaavoq Namminersorlutik Oqartussanit aningaasaliiffigineqartartoq, taannalu Nuummi 2007-imi meeqqat atuarfianni angajullernut atuartitsinertut aallartinneqarpoq. Inuusaq atorlugu suliniut suli 2022-mi aningaasaqarnermut inatsimmi ilaavoq.

Suliniut 2007-imiit ineriartortinneqarpoq ullumikkullu kommuninut amerlanernut imaluunniit najukkami peqqinnissaqarfimmuot siammarterneqarsimavoq aqunneqarlunilu. Aaqqissuussaq kommunimit kommunimut assigiinngitsumik atorineqartarpoq, sumiiffiilli amerlanerit, Paarisa naapertorlugu, kommunini pitsaaliuinerimut siunnersortit imaluunniit atuarfinni ilinniartitsisut Inuusaq atorlugu suliniummik atuartitsisarput. Sumiiffiit ilaanni atuartitsineq pillugu peqqissaasunik isumaqatigiissusiortoqartarpoq.

Suliniut Nuummi aallarteqqaarmat Paarisa suli Nuummi inuusaq atorlugu suliniummik kiisalu kinguaassiuutitigut peqqissuuneq pillugu atuartitsinermik ingerlatsisarpoq. Illoqarfiit pingaarnersaanni Paarisami atuartitsisussanik marlunnik suliniutillu ingerlannerata saniatigut allanik suliniutinik ingerlatsisussanik atorfinitsitsisoqarsimavoq. Paarisa Nuummiinnaq suliaq tamanna tigummimmagu Paarisap suliaq Kommuneqarfik Sermersuumut tunniukkusuppaa.

Paarisap atuartitsinermut atortut, inuusat atortorissaarutillu Kommuneqarfik Sermersuumut tunniukkusuppai. Paarisamit Inuusaq atorlugu suliniutip ingerlanneqarneranik tunniunneqarneratigut Kommuneqarfik Sermersuumut nammineq Inuusaq pillugu suliniummik siunissami ingerlatsinissaq nammineq aningaasaliiffigisalissagaa nalunaarutigineqarpoq.

Inuusaq atorlugu suliniut pillugu

Inuusaq atorlugu suliniummi inuusuttut angajoqqaajunermut, naartunaveersaatinut, naartuersittarnermut, nappaatit kinguaassiuutitigut tuniluuttartut, inuttut killigititat kinguaassiuutinullu tunngasunik ilisimasanik iliuuseqalersitsisinnaasunillu tunineqarnissaa kissaatigineqarpoq.



Inuusaq atorlugu suliniummi inuusat elektroniskimik piviusuusaartitat atorneqartarput (Realcare-dukke). Inuusaq Realcare-dukke naalungiarsuittut pissusilersortarpoq. Meeqqat atuarianni atuartut timitalerlugu angajoqqaajuneq qanoq isumaqarnerisooq malugigaangamikku meerartaarnissamut pilersaarusiornissaq qanoq pingaaruteqartiginersoq ilisimanerulertarpaat. Tamanna tunngavigalugu atuartut tamatuma kingorna kinguaassiuutit pillugit atuartitsinermut, ingerlatsinerup ilaatut ingerlanneqartumut, malinnaanissaminut kajuminnerulernissaat naatsorsuutigineqarpoq.

Inuusaq atorlugu suliniummi kinguaassiuutit pillugit atuartitsineq kiisalu aappariinnermut, missingersuusiornermut ilinniartitsineq kiisalu siunissamut takorluukkat ilaatinneqartarput. Atuartitsineq 9. klassinut ulluni pingasuni ingerlanneqartarpoq. Atuartitsinissaq sioqqullugu angajoqqaat ataatsimiitinneqarnissaanut, paasitinneqarniassammata atuartitsinermillu tapersersuiniassammatalu, angajoqqaat aggersarneqartarput.

Tamatuma saniatigut 8. klassimi atuartut ullormik ataatsimik sivilissusilimmik kinguaassiuutit pillugit atuartinneqartarput.

Ingerlatsiviup naliliinera:

Meeqqanut Atuarfeqarnermullu Ingerlatsivimmit kinguaassiuutitigut peqqissuunissaq pingaartinneqarnissaa isumaqataaffigineqarpoq, atuartunullu angajullernut kinguaassiuutit pillugit atuartitsineq kiisalu inuusaq atorlugu suliniut tapersersorneqarusulluni. Ingerlatsivimmiilli Paarisamit aningaasaqarnermut inatsisitigut suliassaq pituttorsimasooq ingerlatsinermut aningaasaliissutit ilanngunnagit tunniunneqarnissaanik kissaateqarneq nangaanartoqartut nalilerneqarpoq.

Tunniussisoqaratarnissaa pillugu oqaloqatiginninnermut atatillugu Meeqqanut Atuarfeqarnermullu Ingerlatsivimmit Inuusaq atorlugu suliniut naliliiffigineqarsimanera apeqquteqaatigineqarpoq. Paarisa Statens Institut for Folkesundhed-imik suleqatiginninnissamik isumaqatigiissusiorsimavoq, tassanngaanniillu suliniut 2022-mi nalilerneqarpoq. Taamaattorli inaarutaasumik nalunaarusiaq suli suliarineqarpoq.

Suliniut Kommuneqarfik Sermersuumit tiguneqassagaluarpat Paamiut, Tasiilaq Ittoqqortoormiillu ilanngunneqartariaqarput, taakkunani maannakkut inuusaq atorlugu suliniut atuartitsissutigineqarneq ajorpoq.

Inuusaq atorlugu suliniummi suliassat:

- 9. klassimi 8. klassimilu atuartunut atuartitsinissamut piareersarneq.
- Angajoqqaat ataatsimiitinnissaanut piareersarneq aamma/imaluunniit angajoqqaanut allakkatigut ilisimatitsisarneq.
- Inuusanik piareersaaneq nassiussuinerlu (atisat errorsisarfirmut, immersornerannut, atuarfinnut nassiussuineq).
- Nuummi, Tasiilami, Paamiuni Ittoqqortoormiinilu 9. klassinut ulluni pingasuni atuartitsineq + klassini tamani (klassit 15-it) ulloq ataaseq angajoqqaanik ataatsimiititsineq. Ullut suliffiusut 60-it, piareersarnerit angalanerillu minillugit.
- Nuummi, Tasiilami, Paamiuni Ittoqqortoormiinilu 8. klassinut ulloq ataaseq atuartitsineq. Ullut 13-it, piareersarnerit angalanerillu minillugit.
- Inuusanut immikkut atortunik atuartunullu tajanik chipitalinnik pisineq.
- Ukiumoortumik sammisassaqartitsinermut tunngatillugu atuarfinni pisortanik suleqateqarluni pilersaarusiorneq.



Ingerlatsivimmit aningaasatigut sulisoqarnikkullu naliliinerit

Inuusaq atorlugu suliniummut aningaasat maanna ingerlatsiviup missingersuutaani ilaanngillat. Inuusaq atorlugu suliniut tunniunneqarnissaa Kommunalbestyrelsimit akuerineqassappat 2023-mut missingersuutit pillugit isumaqatiginninniarnermut ilanngunneqartariaqassapput.

Meeqqanut Atuarfeqarnermullu Ingerlatsivimmit ukioq tunniussiffimmi ukioq missingersuusiorfiusumi 2.297.558 koruunit ukiunilu missingersuusiorfinni 1.252.758 koruunit pisariaqartinneqassasut nalilerneqarpoq.

Suliniut ukioq atuarfiusoq 2022-2023-mi Kommuneqarfik Sermersuumi 8. klassinut atuartunut 13-inut aamma 9. klassinut 15-inut attuumassuteqassaaq.

Inuusaq atorlugu suliniummut tunngatillugu aningaasaqarneq.	Oqaaseqaatit	Ukiumut aningaasartuutissat missiliutit
Akissaatinut aningaasaliissutit	Kommunimi 8. klassinik 9. klassinillu tamanik atuartitsisussanik sulisunik/atuartitsisussanik marlunnik atorfinitsitsinermut.	430.000 kr. x sulisut marluk Katillugit: 860.000 kr.
Sulisut/atuartitsisut ilinniarnemat piginnaanngorsarnerallu kiisalu atuartitsinermut paasissutissat	Sulisut inuusat atorlugit atuartitsinissamut aamma kinguaassiutit pillugit atuartitsisarnermut pikkorissarnissamut neqeroorfigineqassapput.	100.000 koruunit ukioq tunniussivimmi. 25.000 ukiuni missingersuusiorfinni.
Nuup avataanut illoqarfinnut angalanernut aningaasartuutit	Sulisut marluk ukununga Ittoqqortoormiit, Tasiilaq aamma Paamiut. Timmisartumut billettit aamma akunnittarfimmiinneq ullormusiassallu. Sumiiffinni immikkut ulluni sisamani atuartitsinerit. Angalaneq ilanngullugu katillugit ullut qulit naatsorsorneqarput: Ullormusiat ullut qulit 5.000 miss. x sumiiffiit pingasut = 15.000 kr. x 2 sulisut = 30.000 kr. Sumiiffinnut pingasunut timmisartukkut billettit 10.000 kr. x 3 illoqarfiit x sulisut marluk = 60.000 kr. Akunnittarfik 1.000 kr. ullut unnuallu qulit x sumiiffiit pingasut x inuit marluk 60.000 kr.	Timmisartumut, akunnittarfimmut ullormusiassanullu katillugit = 150.000 kr.
Inuusanik nutaanik pisineq	Tasiilamut, Ittoqqortoormiinut Paamiunullu inuusat (klassimut 26-	4 x 9. klassit. Katillugit: 969.800 kr.



	nik atuartulinnut atuartumut ataatsimut inuusaq ataaseq) Inuusaq ataaseq 9.325 koruuneqarpoq.	
Errorsineq	Inuusanut atisat, nangit, ujamiutit atornerit tamaasa erroneqartassapput. Kiilumut 26 kr. Inuusaq ataaseq 3,5 kiilumik oqimaassuseqarpoq.	30.758 kr.
Atortut	Usuup puui, tajaq chipitalik	3.000 kr.
Naatsorsuutiginnngisamik aningaasartuutit	Atortut aserorpata.	500 koruunit atuartumut ataatsimut. Katillugit: 169.000 kr.
Inuusat nassiunneri	Atuarfiit akornanni kiisalu iluarsaassinermut atatillugu. 3,5 kiilumik oqimaassuseqarput. Inuusat katillugit 338-t akornanni 15%-it (inuusat 50-it) ukiumut iluarsartuunneqartassasut allamilluunniit peqquteqartumik nassiunneqartassasut naatsorsuutigaarput. Inuusaq ataaseq nassiunneranut 300 koruunit miss.	Inuusat 50-it x 300 koruunit. = 15.000 kr.
2023-mi katillugit (ukioq tunniussivimmi)	Naatsorsuineq ukioq missingersuusiorfimmumut 2023-mut tunngavoq.	2.297.558 kr.
Katillugit ukiumut missingersuutit (ukioq tunniussiffiup kingorna)	2024-mit inuusat pisiarineqarnissaanut aningaasartuuteqartoqassanngilaq.	1.252.758 kr.

Suliffeqarfimmumut Kiffartuussivimmit aningaasatigut naliliineq

Suliffeqarfimmumut Kiffartuussivimmit tunngavimmik DUT-imik (annertusisamik tamakkiisumik oqimaaqatigiittoqarnissaanut tunngavik) akertusumik tunniussinermumut tunngasuusoq maluginiarneqarpoq. Namminersorlutik Oqartussat suliniummut maanna aningaasaliissutaasimasut tunniuttussaavaat.

Inatsisitigut tunngavissaq allakkallu tunngaviummik uppersaatitalit

- 2022-mut aningaasaqarnermumut inatsit - Inatsisartut. - 30.10.48 Isumaginnikkut peqqissutsikkullu pinaveersaartitsineq
- Inuuneritta III - 2020-2030 meeqqat inuunerinnissaat pillugu suleqatigiinnissamut Naalakkersuisut periusissiaat

Ilanngussat
Soqanngilaq.

Punkt 8: Oqaluuserisassanut tapiliusseq: Ingerlatsiviup 2023-mut sanaartugassatut missingersuutinut kissaatai

Beslutning

Inassuteqaat akuersissutigineqarpoq, imatut oqaaseqaatitalerlugu:

Normui tullerriiarlugit pingaarnersiukkat aalajangiunneqartut:

1. Tasiilami atuartut angerlarsimaffiat nutaaq
2. Umiap allanngortiternera/Paamiuni ukioqatigiinngiaat meeqqerivianik misissueqqissaarneq
3. AHL-ip allilernera
4. Tasiilami klubhusi
5. Neriuseriaq AKO
6. Nunatta kangiani illunik angerlarsimaffinni paarsisarnermut atugassanik misissueqqaarneq

Bilag

Ingerlatsiviit sanaartugassatut kissaataat tamakkiisut

Ingerlatsiviup 2023-mut sanaartugassatut missingersuutitut kissaatai

Aalajangiiffigisassaq

SagsID: EMN-2022-07433

Meeqqanut Atuarfeqarnermullu Ingerlatsivik – pisortaq Lone Nukaaraq Møller / LNM

Inassuteqaat

- ingerlatsiviup suliassat misissueqqaarfiusussat normui tulleriarlugit pingaarnersiukkat ataatsimiititap aalajangiiffigissagai:
 - Umiap allannortiternera
 - Tasiilami klubhusi
 - AHL-ip allilernera
 - Tasiilami atuartut angerlarsimaffiat nutaaq
 - Neriusaaq AKO
 - Nunatta kangiani illunuk angerlarsimaffinni paarsisarnermut atugassanik misissueqqaarneq
 - Paamiuni ukioqatigiinngiaat meeqqerivianik misissueqqissaarneq
- ataatsimiititap ingerlatsiviit allat sanaartugassatut pingaarnersiugaat ilisimatitsissutitut tigussagai

Suliassamik saqqummiussineq

2023-mut missingersuutissat suliarinerinut tapiliullugu ingerlatsivik sanaartugassatut kissaatinik arlalinnik ilanngussaqarpoq, missingersuutitut ilanngutsikkusutaminnik. Suliassat tamarmik naatsumik nassuiaatigineqarput, kisianni aningaasartalersornagit. Missingersuutit suliarineranni ataatsimiititap susasaqartut nalilersuutaat kissaatigineqarmata, sanaartugassanut kissaatigineqartut ilanngullugit, ataatsimiititap tamarmik qinnuigineqarput ingerlatsiviminni sanaartugassatut kissaatigineqartunik pingaarnersiueqqullugit. Ilanngullugu nassiunneqarpoq ingerlatsivinni tamani sanaartugassatut kissaatigineqartut tamakkiisut. Tamanna ilanngunneqarpoq ataatsimiititap susasaqartut tamarmik kommunimi sanaartugassatut kissaatigineqartut amerlassusiannik malinnaasinnaaniassammata. Tassunga ilanngullugu pingaarnersiorneqassaaq, pisariaqavinnerpaat aammalu sanaartugassatut kissaatit allattorsimaffianniittut nukingernarnerpaat.


Sanaartugassatut kissaatit ataatsimiititanit susasaqartunit nalilersuiffigineqarnissaannik kissaammut pissutaavoq, missingersuutit suliarineranni ataatsimiititap susasaqartut peqataateqqinnissaat, aammali Sanarfinermut Avatangiisinullu Ingerlatsiviup erseqqissumik suliassanik sorlernik pingaarnersiuisoqarnissaanik nalunaaruteqarnissaa pillugu.

Tamatumunnga pissutaavoq aningaasalersueriaatsimik marloqiusamik atuilernissamut ikaarsaariartoqarnissaa, siullermik pilersaarusiornermut aningaasaliissutinik tulliatullu sanaartugassanut aningaasaliissutinik. Siullermik pilersaarusiornissamut aningaasaliissuteqartoqassaaq, sanaartugassatut kissaatigineqartut qanoq akeqassanersut misissornissaannut atugassanik, tamannalu pereerpat suliassat 2 mio. sinnerlugit akillit politikikkut suliarineqassapput, sanaartornissavianut sanaartugassanut aningaasaliissutit atulinnginneranni.

Imaappoq, sanaartugassatut kissaatit nutaat siullertut misissueqqaarfigineqassapput, sanaartugassatut aningaasaliiffigineqartutut aallartinneqavinnginneranni. Imaappoq suliassat nutaat aallartissutigalugu misissueqqaarnissamut aningaasaliissutit atulersinnerat aqutigalugu sanaartugassatut missingersuutitut ilanngunneqassapput.

Suliassat tamarmik aningaasartassa at eqqarsaatigalugit misissueqqaarfigineqassangillat. Taamaattumik ingerlatsiviit suliassa atiminnik pingaarnersiueqquneqarput. Tamanna pereerpat pingaarnersiulluni allattukkat malillugit Sanarfinermut Avatangiisinullu Ingerlatsiviup suliassat misissueqqaarfiginissa at isumagissavaa.

Takussutissiaq 1. Aningaasalersueriaaseq marloqiusaq pillugu takussutissiaq



Ingerlatsivimmit aningaasatigut sulisoqarnikkullu naliliinerit

Sanarfinermut Avatangiisinullu Ingerlatsiviup 2023-mi suliassat qulit missaat qanoq annertutigineri apequtaatillugit misissueqqaarfiginissaannut ingerlatsivimmit akissaqartinneqarnersut nalilersorneqartassapput. Taamaattumik suliassat mississueqqaarfiginissaannut pingaarnersiorneqarnissa at ingerlatsiviup kaammattuutigaa.

Misissueqqaarnissanut aningaasartuutissat misissueqqaarnissanut sanaartugassanut aningaasaliissutinut matussuserneqassapput. Misissueqqaarnerit akitigut assigiinngisitaarsinnaasarput hunnorujut tusindilikka at ikittunnguaniit millionit arlallit tikillugit. Misissueqqaarisoqareerpat suliassat tamarmik immikkut qanoq akeqassanersut missiliuusiorderi pissarsiarineqassapput, taakkulu suliassat allattorsimaffiannut ilanngunneqassapput qanoq akeqarnissa at missiliuusiukkat allaaserinerilu ilanngullugit.

Sanaartugassatut kissaatigineqartut saqqummiunneqartut piviusunngortitassatut akuersissutigineqassappata, suliassat ataasiakkaarlugit aningaasatigut nalilersuiffigineri immikkut saqqummiunneqassapput.

Suliffeqarfimmut Kiffartuussivimmit aningaasatigut naliliineq

Suliamut tunngatillugu maannakkut aningaasartuuteqanngillat. Sanaartugassatut kissaatigineqartut saqqummiunneqartut piviusunngortitassatut akuersissutigineqassappata, suliassat ataasiakkaarlugit aningaasatigut nalilersuiffigineri immikkut saqqummiunneqassapput.

Inatsisitigut tunngavissaq allakkallu tunngaviumik uppernarsaatitalit

- Kommunit Namminersorlutillu Oqartussat missingersuuta at naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. december 2021-mersooq (Missingersuutit inassisimanerannik naatsorsueriaatsimik allannguineq, nammineq aningaasaatinik naleqqussaanissamut ataasiaannartumik

akuersissut aamma pisortat ataatsimoorlutik qarasaasiaat pillugit malittarisassanik erseqqissaaneq)

Ilanngussat

1. Ingerlatsiviit sanaartugassatut kissaataat tamakkiisut

Punkt .: Taasariaqartut allat

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 16.23.